

Staðfesting forsetans á skipulagsskrá fyrir „Ekknasjóð Staðarsveitar“, út- 134
gefin á venjulegan hátt að mandatum af dómsmálaráðherra 23. september 1944. 23. sept.
Skipulagsskráin er þannig:

SKIPULAGSSKRÁ

fyrir Ekknasjóð Staðarsveitar.

1. gr.

Sjóðurinn heitir Ekknasjóður Staðarsveitar og er stofnaður með 50 þúsund króna gjöf frá hjónunum Margréti Þ. Jensen og Thor Jensen, forstjóra á Lágafelli í Mosfellssveit.

2. gr.

Tilgangur sjóðsins er að styrkja fátækar ekkjur í Staðarsveit, þar á meðal til þess að koma börnum sínum til mennta, ef fé er fyrir hendi til þess. Einnig má veita ógiftum einstæðingskonum í sveitinni styrk úr sjóðnum.

3. gr.

Stjórn sjóðsins skipa sóknarpresturinn á Staðastað og hreppstjórinn og oddvitinn í Staðarsveit, ef þeir vilja taka það starf að sér. Vilji einhver þessara manna ekki taka sæti í sjóðsstjórninni tilnefnið dómsmálaráðuneytið mann í hans stað. Enn fremur eiga tvær konur sæti í stjórn sjóðsins og skulu þær kosnar af sóknar- nefnd Staðastaðarprestakalls til 5 ára í senn. Sóknarpresturinn skal vera formaður sjóðsstjórnarinnar, en að öðru leyti skiptir stjórnin sjálf með sér störfum.

Afl atkvæða ræður úrslitum á fundum sjóðsstjórnarinnar, en séu jöfn atkvæði ræður atkvæði formanns.

4. gr.

Sjóðinn skal ávaxta með því að kaupa fyrir fé hans bankavaxtabréf veðdeildar Landsbankans, eða önnur verðbréf hins opinbera, sem að dómi sjóðsstjórnarinnar eru jafntrygg þeim. Það, sem fyrir hendi kann að vera af peningum á hverjum tíma, skal ávaxtað í sparisjóði Landsbanka Íslands í Reykjavík.

5. gr.

Höfuðstól sjóðsins má aldrei skerða. Árlega skal leggja $\frac{1}{5}$ hluta vaxtanna við höfuðstólinn, en hinum hluta þeirra skal varið til styrkveitinga samkv. tilgangi sjóðsins. Í fyrsta skipti skal veita styrk úr sjóðnum á árinu 1945. Heimilt er stjórninni, hvenær sem henni þykir henta, að geyma þennan hluta vaxtanna að einhverju eða öllu leyti til næsta árs til úthlutunar þá, ef ekki þykir ástæða til að úthluta honum að fullu á því ári, sem þá stendur yfir, enda sé öll sjóðsstjórnin sammála um frestunina.

Nú kynni svo við að bera, að óvenjuleg þörf yrði fyrir styrk úr sjóðnum vegna mikils manntjóns í sveitinni, og skal þá sjóðsstjórninni heimilt að verja ársvöxtum að fullu til styrkveitinga, en þó ekki lengur en 5 ár í röð.

6. gr.

Stjórn sjóðsins auglýsir árlega með hæfilegum fyrirvara eftir umsóknum um styrk úr sjóðnum, og úthlutar síðan styrkjum í samræmi við ákvæði skipulagsskrár þessarar. Hún skal þó ávallt gæta þess, að hver einstök styrkuppþæð sé eigi lægri en svo, að hún sé hlutaðeiganda til verulegs gagns.

134

23. sept.

Reikningsár sjóðsins er almanaksárið. Fyrir lok febrúarmánaðar ár hvert skal stjórn sjóðsins hafa lokið við að semja reikning hans fyrir liðið ár og skal hann síðan endurskoðaður af tveim þar til hæfum mönnum, sem sýslumaðurinn í Snæfellsness- og Hnappadalssýslu nefnir til þess til þriggja ára í senn. Að lokinni endurskoðun skal stjórn sjóðsins sjá um, að reikningurinn sé birtur í Lögbirtingablaðinu.

8. gr.

Stjórn sjóðsins ber að skrá eignir sjóðsins, tekjur og gjöld, svo og ársreikninga hans í þar til gerða bók.

9. gr.

Stjórn sjóðsins skal hafa gerðabók og skal í hana rita skipulagsskrá þessa, fundargerðir og skrá um umsóknir og styrkveitingar úr sjóðnum.

10. gr.

Leita skal staðfestingar á skipulagsskrá þessari. Henni má aldrei breyta nema því aðeins að eitthvert það embætti eða starf, sem nefnt er í skipulagsskránni verði lagt niður. Ákveður þá yfirstjórn dómsmála á Íslandi hvaða embættis- eða starfsmaður skuli koma í staðinn.

Lágafelli, 14. október 1943.

Margrét Þorbjörg Jensen. Thor Jensen.

135

26. sept.

Staðfesting forsetans á skipulagsskrá fyrir „Minningarsjóð Lárusar Helgasonar og Elínar Sigurðardóttur“, Kirkjubæjarklaustri, útgefin á venjulegan hátt að mandatum af dómsmálaráðherra 26. september 1944.

Skipulagsskráin er þannig:

SKIPULAGSSKRÁ

fyrir Minningarsjóð Lárusar Helgasonar og Elínar Sigurðardóttur,
Kirkjubæjarklaustri.

1. gr.

Sjóðurinn heitir: Minningarsjóður Lárusar Helgasonar og Elínar Sigurðardóttur.

2. gr.

Sjóðurinn er stofnaður með almennum framlögum frá íbúum Vestur-Skaftafellssýslu og Kaupfélagi Skaftfellinga fyrir forgöngu undirritaðra manna í Kirkjubæjar- og Hörgslandshreppum með aðstoð Sambands Vestur-Skaftfellskra kvenna til minningar um hjónin Lárus Helgason og Elínu Sigurðardóttur á Kirkjubæjarklaustri.

3. gr.

Stofnfé sjóðsins er kr. 12577.18 — tólf þúsund fimm hundruð sjötíu og sjö krónur og átján aurar — og skulu kr. 8000.00 — átta þúsund krónur — lagðar í útborgunardeild Söfnunarsjóðs Íslands undir nafninu A, en kr. 4577.18 — fjögur þúsund fimm hundruð sjötíu og sjö krónur og átján aurar — skulu ávaxtast í aðaldeild Söfnunarsjóðsins um aldur og æfi undir nafninu B. A-deild sjóðsins skal